



PRÓRROGA DA VIXENCIA DO INFORME AMBIENTAL ESTRATÉXICO SOBRE A MODIFICACIÓN PUNTUAL DO PLAN XERAL DE ORDENACIÓN MUNICIPAL DO CONCELLO DA CORUÑA – INCORPORACIÓN E REVISIÓN DE ELEMENTOS NO CATÁLOGO E MODIFICACIÓN DAS NORMAS URBANÍSTICAS DE PROTECCIÓN

Expediente: 2017AAE2121

ANTECEDENTES

O 29.1.2018 a anterior Dirección Xeral de Calidade Ambiental e Cambio Climático formulou o informe ambiental estratéxico sobre a modificación puntual do Plan xeral de ordenación municipal da Coruña para a incorporación e revisión de elementos no Catálogo e modificacións das normas urbanísticas de protección. Este informe ambiental estratéxico anunciouse no *Diario Oficial de Galicia* do 6.3.2018.

O 5.3.2024 recibíuse na Dirección Xeral de Calidade Ambiental, Sostibilidade e Cambio Climático un escrito do concelleiro delegado responsable da Área de Economía e Planificación Urbana do Concello da Coruña no que solicita unha prórroga da vixencia do informe ambiental estratéxico.

CONSIDERACIÓNS LEGAIS

Segundo o disposto na Lei 9/2021, do 25 de febreiro, de simplificación administrativa e de apoio á reactivación económica de Galicia (artigo 35.2, letra c, e disposición transitoria cuarta), o informe ambiental estratéxico perderá a súa vixencia e cesará na produción dos seus efectos se non se aproba o planeamento no prazo máximo de seis anos desde a súa publicación no *Diario Oficial de Galicia*. En todo caso, o órgano ambiental poderá acordar unha prórroga da vixencia do informe ambiental estratéxico por outro prazo de dous anos, tras solicitude formulada polo promotor.

A Dirección Xeral de Calidade Ambiental, Sostibilidade e Cambio Climático ten atribuídas as funcións en materia de avaliación dos efectos de determinados plans e programas no ambiente (Decreto 42/2019, do 28 de marzo, polo que se establece a estrutura orgánica da Consellería de Medio Ambiente, Territorio e Vivenda).

Tendo en conta o anterior, ACORDO:

Prorrogar por un prazo máximo de dous anos a vixencia do informe ambiental estratéxico relativo á modificación puntual do Plan xeral de ordenación municipal do concello da Coruña para a incorporación e revisión de elementos no Catálogo e modificacións das normas urbanísticas de protección. Este prazo empezará a contar o 7.3.2024.

No caso de que perda vixencia o informe ambiental estratéxico polo transcurso da prórroga, o promotor deberá iniciar novamente a avaliación ambiental estratéxica (artigo 35.2, letra c, da Lei 9/2021, do 25 de febreiro).

A directora xeral de Calidade Ambiental, Sostibilidade e Cambio Climático
Sagrario Pérez Castellanos
(documento asinado dixitalmente)

